

Acordo de Colaboración entre a Axencia Galega da Calidade Alimentaria e a Axencia para a modernización tecnolóxica de Galicia para o desenvolvemento e implantación dun sistema de información para a xestión do Departamento de Protección da Calidade Diferenciada da Axencia Galega da Calidade Alimentaria

MEMORIA XUSTIFICATIVA

José Antonio Portos Mouriño, xefe da Área de Formación, Innovación e Investigación Agraria, por delegación (28/08/2019) de Manuel Rodríguez Vázquez, director da Axencia Galega da Calidade Alimentaria, **DECLARA:**

Que esta axencia ten previsto formalizar coa Axencia para a modernización tecnolóxica de Galicia (AMTEGA) o instrumento convencional arriba referido por un período de vixencia que comprenderá dende a data da súa sinatura ata o momento que cese o desenvolvemento nel previsto, e como data límite o 31 de decembro de 2021.

Que o instrumento convencional ten por obxecto:

Establecer as pautas que se seguirán can colaboración entre a Agacal e a Amtega para o desenvolvemento do proxecto “Sistema informático para información e xestión dos labores de control e certificación da calidade diferenciada da Axencia Galega da Calidade Alimentaria”.

Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar se fundamenta no seguinte:

Segundo o artigo 6 do Estatuto da Axencia para a Modernización Tecnolóxica de Galicia aprobado polo Decreto 252/2011, do 15 de decembro, a Amtega ten entre as súas competencias, a dirección e xestión de todas as actuacións da Xunta en materia de tecnoloxías da información e as comunicacións e o deseño e liderado de iniciativas que contribúan a impulsar o desenvolvemento da sociedade da información en Galicia, garantindo os dereitos dos cidadáns e eliminando as barreiras que se opoñan á expansión e ao uso das novas tecnoloxías.

O obxecto da AGACAL comprende: constituírse no instrumento básico de actuación da Administración xeral da Comunidade Autónoma de Galicia en materia de promoción e protección da calidade diferencial dos produtos alimentarios galegos acollidos aos distintos indicativos de calidade; investigar e realizar o desenvolvemento tecnolóxico no sector agroalimentario; desenvolver as actividades de I+D+I nos sectores agrario, gandeiro e forestal, dentro do marco das competencias que a esta axencia



lle atribúen estes estatutos; e realizar aquelas outras actuacións relacionadas coas actividades anteriores que determine a consellería de adscrición cos medios e persoal que a ela se adscriben.

Os labores de control e certificación da AGACAL son desenvolvidas polo Departamento de Protección da Calidade Diferenciada que actualmente realiza o control e certificación de 20 Denominacións de Orixe Protexidas e Indicacións Xeográficas Protexidas e a xestión económico-administrativa de 9 delas. A gran cantidade e diversidade de datos que é necesario xestionar anualmente produto das auditorías e da xestión dos rexistros de todos os operadores implicados nestas producións fai necesario dispoñer dun sistema de xestión da información que aporte seguridade ao traballo realizado, mellorando a eficiencia no desenvolvemento das tarefas da AGACAL neste eido.

Doutra banda, AGACAL está poñendo en marcha a regulación da artesanía alimentaria, que pretende recoñecer e fomentar os valores económicos, culturais e sociais que esta representa para Galicia. Isto supón un complexo sistema de rexistro, xestión de procedementos e control das empresas artesanais alimentarias que elaboran produtos de xeito tradicional; sistema que se quere xestionar desde este novo sistema de información.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria en Santiago de Compostela,

